



Sanaartornermut Ataatsimiititaliaq
-/MAANI/

Sikuki Nuuk Harbour pillugu ataatsimiititaliamut ilassutaasumik paasissutissat

Aalajangiiffigisassatut siunnersuutip akuersissutigineratigut aktiaateqarluni ingerlatsivimmik pilersitsisoqarnissaa Inatsisartut akuersissutigaa, aktiaateqarluni ingerlatsivissamut tassunga killiliussat pillugit kiisalu umiarsualiviit pillugit inatsisissaq upernaakkut ataatsimiinnermi inatsisissatut siunnersuut saqqummiunneqassaaq, taassuma nunap umiarsualiviini tamani atuisutut akiliinermut akigitat aaqqiiffiginissat periarfississavaa. Inatsisartut AI2014-p akuersissutigineratigut ingerlatseqatigiiffissamut aningaasaliissutissat 45 mio. koruunit akuersissutigaa. AI2013-mi aamma oqaasertaliussaniippoq, Aningaasaqarnermut ataatsimiititaliap akuersissuteqarneratigut, 40 mio. koruuninik aningaasaliinissamut aamma umiarsualivimmu pioreersumut 2013-mili Naalakkersuisunut periarfissiisoq. AI2013-mi akuersissutigineqartumit aningaasanut piumasaqaat naatsorsuutigineqartumit anginerummat, ilassutissatut aningasaliissutinik Aningaasaqarnermut Akileraartarnermullu ataatsimiititaliamit akuerineqartussanik pisariaqartitsisoqarpoq,

Taamaalilluni katillugit 135 mio. koruuninik, aamma umiarsualivik pioreersoq, 2013-mi aningaasaliissutit annertussuseqassapput. Aalajangiiffigisassatut isummernissamut tunngavissiaq Inatsisartut akuersissutigisappassuk, imatut pisoqassaaq:

- Naalakkersuisut ingerlatseqatigiiffiup pilersinneqarneranut aningaasaliissuteqarnissamut piginnaatitsissumik Aningaasaqarnermut Akileraartarnermullu ataatsimiititaliamut AI-mut qinnuteqaammik matuma kinguninngua nassiussaqaassapput, takuuk ataani aningasaliissuteqarneq pillugu immikkoortoq
- Pilersitsiffiusumik ataatsimeersuarneq ingerlanneqassaaq, kingorna ingerlatseqatigiiffik pilersinneqassaaq. Aningasaliissuteqarnissamut aningaasanut inatsimmiittoq tunngavigalugu aningasaliissuteqarnissaq naapertorlugu ataatsimeersuarneq 2013 naatinngu ingerlanneqassaaq. Ataatsimeersuarnermut atatillugu ingerlatseqatigiiffiup malittarisassai ingerlatseqatigiiffiup siunertaanik allaatiginnittut aamma pilersitsinermut uppernarsaat akuersissutigineqassapput.
- Tassani takuneqarsinnaassaaq, ingerlatseqatigiiffiup siunertarissagai,
 - Sanaartorneq, piginnittuuneq, ingerlatsineq aamma Nuummi umiarsualiviup atortorissaarutaanik ineriartortitsineq
 - Iluarsartuullugu pilersaarusiap atortussanik suliarinninneq aamma iluarsartuullugu pilersaarusiap suliariumannittussarsiuunna
 - Kalaallit Nunaanniit Kalaallit Nunaannullu assartugassat ingerlanneqarneranni piffissaq qaninnerusoq ungasinnerusorlu isigalugit ataatsimut assartuussinermut aningaasartuutit isiginiarlugit attaveqaqatigiinnermut sunnuteqarluartumik qulakkeerinneqataaneq
- Ingerlatseqatigiiffiup siunertarissavaa umiarsualivimmik pilersitsineq kingornatigullu umiarsualivimmik ingerlatsineq. Taamaalillu ingerlatseqatigiiffiup ingerlaannartumik matuneqarnissaa tulluarsarlugu ilanngunneqanngilaq,

23. november 2013
Sagsnr. 2013-092218
Dok. Nr. 1399533

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

kisianni piffissami allami aaqqissuussinermik allamik Namminersorlutik Oqartussat kissaateqassagaluarpata, tassunga malittarisassat nalinginnaasut tassani malinneqassapput.

- Pilersitsinermi 110 mio. kr.-ninik akisussaaffiusumik aningaasanik taarsigassarsisitillutik Namminersorlutik Oqartussat aningaasaliissuteqarnissaat naatsorsuutigineqarpoq. Taarsigassarsisitsinermi isumaqatigiissummi aalajangersakkani Namminersorlutik Oqartussat ilanngussinnaavaat, akisussaaffiusumik taarsigassarsisitsinermi siunertamut aaqqiissuteqarneq taarsigassarsisorlu (ingerlatseqatigiiffingortussa) aningaasaliissuteqarnissamut pilersaarummi akuersissutigineqartumi aningaasaliissuteqarnerit allaatigineqartut aningaasalersornerannut taarsigassarsiarineqartut taamaallaat atorineqassasut. Taarsigassarsisitsisup taarsigassarsisoq pisussaaffilersinnaavaa aningaasaliissuteqarnerit taassumalu aningaasalersornera pillugit ingerlaavartumik nalunaaruteqartassasoq. Aalajangiisuusumik pingaaruteqarpoq, Namminersorlutik Oqartussat taarsigassarsisitsinermit isumaqatigiissummik taamaatitsisinnaanerit, taamaatitsinissaq pillugu immikkoortumi ataani allanneqarsimasumi piumasaqaataasut ataqqillugit.
- Sikuki Nuuk Harbour (SNH) aningaasaliissuteqartarfiit attaveqarfigissavai avataaniit aningaasaliissuteqarnissamut neqeroorutininik piniarfigalugit. Maannakkut sanaartornissamut programmimi, ingerlatseqatigiiffik katillugit 535 mio. koruuninik taarsigassarsissasoq naatsorsuutigineqarpoq. Aamma tamanna ingerlatseqatigiiffiup taarsigaassarsisinnaaneranut tamanna qummut killigissagaa nalilerneqarpoq. Tamanna pissuteqarpoq, nalinginnaasumik aningaaseriviit piumasarisarmassuk avataaniit aningaasalersuinissamut tunngatillugu namminerisamik aningaasaqarteqarnissaq. Matumani pisumi nammineq aningaasaatit 180 mio. koruuniunissaat tunngaviuvoq, avataaniit annerpaamik aningaasalersuineq 535 mio. koruuninik qaffasinnerussangilaq, maannakkut tunngaviusut naatsorsuutigalugit.
- SNH teknikkut aningaasaqarnermullu siunnersortininik ilungersortumik oqaloqatiginninnerit nangissavai aamma RAL-p eqqortumik aalajangiiniassaaq, sanaartugassatut pilersaarut qanoq katiterneqassasoq pitsanngorsaanermit iluanaarutissat pissarsiariniarlugit umiarsuit angalanerisa pilersaarusiorderatigut pitsanngorsaait RAL-mut pissarsiaritinniarlugit. Septembarimi sanaartornissamut programmiugallartoq suliarineqarpoq, immikkualuttullu suli misissuataarneqarput sanaartornermik aningaasartuutit millisinniarlugit pingaarnerpaaginnarnik imaqartussanngorlugu. Ilaatigut eqqarsaatigineqarpoq, umiarsualivimmut atatillugu allaffeqarfimmut illutassat pilersinneqarnissaat pisariaqarnerisoq, kingornatigut RAL-p attartorsinnaassai. Naatsorsuutigineqarpoq, iluarsartuullugu pilersaarusiaq saanartugassartaa 2014-mi aallartinneqarsinnaasoq.
- Ukiut siulliit ingerlatseqatigiiffiup kaaviaartitaqannginnerani, sulisut akissarsiaat, ingerlatsinermit aningaasartuutit sanaartornermullu aningaasartuutit nammineq aningaasaliissutinit, ilaatigut avataanit aningaasaliissutinit aningaasalersorneqassapput.
- Pisortamik sulisunillu pingasunit atorfinitsitsinissaq naatsorsuutigineqarpoq, niuernermit atugassarititaasut malillugit akissarsiaqartinneqassapput.
- Siulersuisut nalinginnaasumik akigititanik akissarsiaqassapput, Naalakkersuisunit akuersissutigineqartunik.
- SNH-p isertitaanut tunngaviusussatut pingaarnertut naatsorsuutigineqarpoq RAL-mit attartornermit isertitaassasut. Umiarsualivimmik atuisunit aamma containerinik inissiissarnermut passussisarnermullu umiarsulivimmi inissamik

atuinermik annerpaanissani RAL-p naatsorsuutigaa. RAL siunissami inissap atittussusianik attartornermigut tassunga akiliisassaaq. Tamatuma saniatigut quersuit sannaviillu kiisalu allaffeqarfiit illutarissagunagaannit RAL-p attartorneranit isertitassat naatsorsuutigineqarput. Umiarsualiviup nutaap pilersinneratigut RAL-ip ingerlatsinermut aningaasartuutini malunnartumik millisissinnavai. Taamaallilluni RAL-p missingersuutaani SNH-mut akiliinissaq periarfissaq pilersinneqassaaq. Taamaattorli aningaasartuut tamakkerlugu pitsaanerulersitsinikkut aningasalersorneqarsinnaanngilaq, taamaattumik nassiussanut akileraatip qaffanissaa pisariaqassaaq. Umiarsualivimmilli nutaamik sanasoqassanngippat RAL-mi nassiussanut akileraatit suli qaffasinnerulissapput, tamatumalu kingunerissavaa naammassisaqarsinnaanerit ajornerulerini.

- SNH-mi isertitassat allat ingerlatseqatigiiffinnit allaneersuussapput, inissiinissamut il.il. umiarsualivimmi inissanik attartorusuttunut aamma umiarsualiviup atortorissaarutaanik atuinikkut akiliutinik. Maannakkut ingerlatsinissamut pilersaarummi suliassamut taamatut angitigisumut tunngaviusussat ilanngullugit suliarineqarput.
- Sanaatugassamut missingersuummut piffissamut takussutissaq kingulleq imaappoq: Pilersitsinermut 8,8 mio. kr., 2013-mi iluarsartuullugu pilersaarusiap suliarinera misissoqqissaarneralu il.il., 2014-mi 184,9 mio. kr., 2015-mi 302,2 mio. kr. aamma 2016-mi 185 mio. kr. Erseqqissarneqassaaq, sanaatugassatut iluarsartuullugu pilersaarusiap iluarsaanneqarmat sanaatugassamut missingersuutip nalinginnaasumik millisinissaa siunertaralugu. Tamatuma nassatarisinnavaa qulaaniittunut naleqqiullugu akiliinerit nikillutik illuarneri.
- UKA2014-mi sanaatornermut pilersitsinermullu inatsit, ingerlatseqatigiiffiup piuneranut tunngaviusoq saqqummiunneqassaaq. Inatsit Inatsisartuni suliarineqartussanngorlugu nassiunneqassaaq. Inatsisip ilaatigut qulakkiissavaa, aktiatigut ingerlatseqatigiiffiup pingaarnertut siunertaraa, Kalaallit Nunaata iluani aamma Kalaallit Nunaannit aamma Kalaallit Nunaannut nassiussat angallanneqarnerinut ataatsimut aningaasartuutit millisinnissaat. Aktiatigut ingerlatseqatigiiffik sulissaaq ingerlatseqatigiiffimmik pitsaasumik aqutsinermut malittarisassat atuuttut malillugit, aamma siulersuisut suliatigut piukkunnaataat isiginiarneqarlutik aktiaateqarluni ingerlatseqatigiiffiup suleriesissatut anguniagaanit pingaarnerit angusinnaajumallugit pisariaqartinneqartut toqqarneqassapput. Inatsimmi aalajangersagassatut naatsorsuutigineqartut qulequttat makkua erseqqissarneqassapput:
 - Pilersitsineq, siunertaq aamma akisussaassuseqarneq
 - Sanaatugaq
 - Sanaatornerup nalaani iluarsartuullugu pilersaarusiap immikkuualuttortaanut piunasaqaatit
 - Ingerlatsineq aningaasalersuinerlu
 - Namminersorlutik Oqartussat aktianik tuniniaanerit
 - Ataatsimeersuarneq, siulersuisut aamma qullersaqarfik
 - Inatsimmik toqqaaneq aamma eqqartuussivimmi suliassanut eqqartuussivik suliassinneqartussaq
 - Iliusereriikkanut kingunerititat aamma atuutilersitsineq ilaalu ilanngullugit
- Umiarsualiveqarneq pillugu inatsit UKA2014-mi saqqummiunneqassaaq, tassani Naalackersuisut piginnaatinneqassapput umiarsualivimmi nunaminertat/inissat atornerinut akiliutinut akigititat aalajangersassallugit.
- Ingerlatseqatigiiffik pilersinneqaruni, namminersorlutik oqartussat aktiaateqarluni ingerlatseqatigiiffiit allatulli suliaqassaaq.

- Naalakkersuisut siulersuisunik toqqaassapput aamma piginnittumut suleriusissamik suliaqassapput, siunnerfiussaaru, ingerlatseqatigiiffik inuiaqatigiit ataqatigiissumik ineriartornerannut ilapittuutaassasoq.
- Annertunerusumik aningaasaliisoqassappat taarsigassarsisoqassappallu ingerlatseqatigiiffik piginnittumit akuersissuteqarfigineqarsimassaaq.
- Taamaalilluni umiarsualiviup pilersinneqarnerani aningaasaliinermut inaarutaasumik taarsigassarsinermut isumaqatigiissutit aamma naatsorsuutigineqartut namminersorlutik oqartussat akuersissutigisariaqassavaat (taakkua taaneqartut annerpaamik 535 mio. koruunit.).
- RAL-mi nassiussanut angallannerinut akileraatit, RAL-mi pingaarnertut pingaarnertut imaatigut angalanissamut aamma umiarsualivimik atuinermut akiliutip angissusia sulii Naalakkersuisut akuersissutigissavaat.
- Nunaqarfinni nassiussanik imaatigut angallassinermi Royal Arcticip Nunaqarfinnut kiffartuussiviani aamma Namminersorlutik Oqartussat "Kalaallit Nunaanni nassiussanik nunaqarfinnut imaatigut angallassineq pillugu killiliussanut isumaqatigiissut 20. januaari 2011-meersoq" naleqqussarneqassaaq, aamma taassuma imarisaanik allanngortitsinerit Naalakkersuisut akuersissutigineqassapput.

Ingerlatseqatigiiffimmik aningaasalersuineq

Ingerlatsinissamut pilersaarummi kingullerpaami 180 mio. koruuninik atoriaannarnik aningaasaliissuteqarnissamik suliaqarpoq aamma umiarsualivik pioreersoq nalilinnngorlugu aningaasaliissutitut aktiaateqarluni ingerlatseqatigiiffingortussamut aningaasaliissutissanngorniarlugu, Nuummi umiarsualivimmik ingerlatsinissaaq aamma nuna tamakkerlugu containerinut umiarsualiviup nutaap pilersinnissaa siunertarlugu. Inatsisartut Aningaasaqarnermut Akileraartarnermullu Ataatsitaliaata akuersinissaanut ilimagineqartutuut 2013-mi missingersuutitut sunniuteqanngitsumik ilassutitut aningaasaliissutit aqutugalugit 135 mio. koruunit aningaasaliissutigineqassaput. 2013-mi aningaasaliissutit missingersuutitut sunniuteqanngitsut 25 mio. koruunit nikisinnerisigut, RAL-miit iluanaaruteqarnerneq aamma 110 mio. koruunit Nukissiorfiit taarsigassarsinissamut pisariaqartitsinerata minnerulernera. RAL tamatuminnga missingersuusiorpoq aamma ingerlatseqatigiiffiup ingerlatsinera sunnerneqassanngilaq. Nukissiorfiit taarsigassarsinissamut pisariaqartitsinertik 110 mio. koruuninik minnerulersippaat, aamma nikisitsilluni nuussineq ingerlatseqatigiiffiup ukiuni kingullerni qulini sanaartornissamut programmianut naleqqussarneqarpoq. Taakkua 110 mio. Sikuki Nuuk Harbour A/S-mi akisussaassuseqartumik aningaasanik taarsigassarsinermut aningaasaliissutigineqassapput. Ingerlatseqatigiiffik pilersinneqarpat aalajaallisinneqarpallu, taanna akisussaassuseqartumik aningaasat taarsigassarsiarineqartut ukiuni arlalinni piffissami sivisunerusumi utertillugit akileneqassappat. AI2014-p akuerineqarnerani 2014-mi 45 mio. koruuninut sinneruttunut aningaasaaliissutissanut tunngavissaqarpoq.

Ingerlatseqatigiiffiup aningaasalersorneqarnera ingerlanneqarneralu qajannaallisarniarlugit sulineq nangingeqarpoq. AI2014 oqaasertaliussanik imaqarpoq, SNH-mut aningaasat amerlanerusut aningaasaliissutiginnissaannut Naalakkersuisunik piginnaatitsissummik. Pisariaqartitsineq saqqummiutissappat 10.13.10-mi luanaarutit, aktianik piginneqatigiiffinniit piginneqataassutit tunisinerillu luanaarutitik akiliuteqarnek, aamma 10.13.11-mut aktiaateqarluni ingerlatsiviit taamaaqataannut, aningaasanngorlugit aningaasartuutitut aningaasaaliisutit, Naalakkersuisut

qaffassinnaavaat. Aningaasaqarnermut Akileraartarnermullu Ataatsimiititaliaq
piginnaatitsissutip matuma atorneqarneranik ilisimatinneqassaaq. Sanaartornissarriut
missingersuutit pitsaanerulerpata aamma matuma kingorna
aningaasaaliissuteqartarfinnit taarsigassarsinissamut neqeroorutit aalajangersimasut
pissarsiarineqarpata, tamakkiisumik aningaasanik pisariaqartitsineq aatsaat
inaarutaasumik ilisimaneqalissaaq.

Inussiarnersumik inuulluaqqusillunga



Steen Lyng